

R. A. 28 Aprilij 1629.

V O T A

28

ET MOTIVA

A PROCESSV P R I O -

R I S S Æ M O N I A L I V M , E T C O N V E N T V S

Sancti Agnetis presentis Ciuitatis Cęsaraugustę,
super Inuentario.



IN Dei nomine Amen. Vniuersis pateat, quod die vigesimo octauo mensis Aprilis, anno Domini computato millesimo sexcentesimo vigesimo nono, Cęsaraugustę in Regio Consilio Ciuili presentis Regni Aragonum, interuenerunt Illustrissimus Dominus Regens officium Generalis Gubernationis Aragonum, necnon magnifici Domini Antonius Augustinus de Mendoça ordinarius Assessor, Hieronymus Marta, Ioannes Franciscus Salazar, Dominicus de Scartin, & Franciscus de Mirauete Regij Consiliarij: Coram quibus fuit positus Priorissę monialium & Conuentus sanctę Agnetis Ciuitatis Cęsaraugustę super Inuentario: In quo tres ex dictis Dominis de super nominatis concordis fuerunt voti, & oppinionis, quod attentis contentis, &c. Tenetur & debet pronunciare, & recipere propositionem priorissę monialium, & Conuentus sanctę Agnetis presentis Ciuitatis principalium Ferdinandi Sanchez Procuratoris cum expensis in omnibus bonis inuentariatis, & in eisdem bonis recipere propositionem Rectoris & fratrum Collegij Societatis Iesu eiusdem Ciuitatis principalium Valerij Cortes del Rey Procuratoris, in eisdem bonis recipere propositionem Prioris Monachorum & Conuentus Religionis Beati Domini Villę de Benauarre, principalium Ferdinandi Sanchez, & Francisci Arbus Procuratorum, & mandare eis restituere bona inuentariata vna cum fructibus decursis à die inuentarij necessaria ad integram solutionem suorum legatorum respectiue: & sine pęiudicio iurium, quorum respectiue recipiuntur pędictę propositiones, recipere propositionem Doctoris Hieronymi Ribera principalis Christophori Toledo Procuratoris pro quantitate quadraginta mille solidorum laccensium,

33
sum, & mandare vendi bona residua inuentariata debite & iuxta forū a defectum solutionis dicte quantitatē quadraginta mille solidorum laccencium, & ea soluta, in eo quod ex pretio supererit recipere propositionem Rectoris & fratrum Collegij Societatis Iesu Ciuitatis Officij, principalium Christophori Toledo Procuratoris, prestitis fideiussoribus arbitrio Regiæ Audienciæ debite & iuxta forum; ceteras propositiones reiiciendo, neutram partium in expensis, dempris predictis taxandis, condemnando, cetera supplicata, locum non habere. Ex eo presertim, & alias recipiuntur propositiones Monasterij sanctæ Agnetis Ciuitatis Cesaraugustæ, & Collegij Societatis Iesu eiusdem vrbis, & Conuentus Villæ de Benauarre; quia constat de legatis eiusdem respectiue relictis in testamento Doctoris Petri Ludouici Martinez iurisperiti, & in vim fori nouissimi editi in Ciuitate Calataiubij, sub titulo de los Legatarios, obtinere possunt legatarij in quolibet processu bonorum mobilium virtute & vigore suorum legatorum, vt ex tenore & contextura verborum eiusdem fori apertissime deducitur; & contrarium asserere, esset nimis restringere vim verborum predicti fori, & magis verò est inimica literalis sermonis restrictio, quam extensio verborum. Ex proœmio etiam dicti fori colligitur non obscure mens & sensus eiusdem; eo enim respicit ratio proœmialis, vt de inceptis legata relictis à testatoribus magis punctim soluantur, & sic ad implerentur accurate voluntates vltimæ defunctorum. Recipitur vero sola propositio cœnobij monialium sanctæ Agnetis cum expensis, quia fuit tantum pro eius parte facta interpellatio iuxta dispositionem dicti fori. Admittuntur etiam dicte propositiones in omnibus bonis inuentariatis: Nam verba illa, de Censales mios cargados a quince, in legato Monasterij Beate Agnetis, sunt posita & constituta post plenam, & completam substantiam legati, vt satis aperte demonstratur ex alijs verbis antecedentibus, quæ sic se habent: Primo, dexo al Monasterio de Santa Ines de Saragoça seys mil sueldos de pension y de renta annua, con la propiedad a aquellos correspondiente; Quæ sane verba perfecta, & completam legati substantiam continent. Similiter in legato Collegij Societatis Iesu Ciuitatis Cesaraugustæ, extant hæc sequentia verba: Item dexo al Collegio de la Compañia de Iesus ochocientos escudos de renta, con la propiedad correspondiente a ella, & hæc verba completam legati dispositionem præ se ferunt. Pariter in legato Monasterij Villæ de Benauarre scripta reperiuntur huiusmodi verba: Itē, dexo

uxo in Monasterio de los Dominicos de Benaurre docientos escu:
dos de renta, con la suerte principal de aquellos, Quæ sane verba per
fectam legati substantiam denotant & constituunt. Quæ propter se-
quentia verba, de censales mios cargados a quinze, posita in primo le-
gato, & alia, de censales mios a quinze, in secundo legato adiecta; &
illa, a razon de quinze de mis censales, in tertio legato scripta, cense-
tur adiecta non per modum taxationis & limitationis; sed imo potius
demonstratiue, & per modum demonstrationis: Quia sequuntur post
perfectam legati dispositionem, & eius substantiam. Confirmatur, nam
in legato relicto Monasterio Religionis Beati Dominici Villæ de Be-
nauarre, hoc satis clare indicauit ipse testator dum asseruit, a razon de
quinze de mis censales, vbi præfata verba, de mis censales, generalia
sunt, & comprehendunt ex propria verbi significatione quæcumque
censualia. Et sic in eodem sensu accipi debent verba aliorum legatorum
antecedentium; etenim vna pars testamenti declaratur per aliam. Nec
refragatur, quod illa verba videantur collocata & posita in vna eadem
que oratione cum legato, quasi tunc limitatiue & per modum taxatio-
nis intelligantur adiecta; nam responderetur, quod quando locus, vel
res, de qua solutio est facienda, constituuntur & collocantur post iam
finitam, & completam legati substantiam & dispositionem; eo ipso di-
uersam, ac separatam orationem continere dicuntur. Vt ergo vna ora-
tio censeatur, oportet vt locus, siue res, de qua solutio rei legatæ fieri de-
bet, præcedant substantiam & dispositionem ipsius legati. Ideo Iuris-
consulti ad significandam vnitatem orationis hæc exempla tradunt:
Volo ex fructibus fundi Seiani decem solui, Titio: vel si quis ita legaue-
rit, ex illo dolo amphoras decem lego Seyo. Accedat superioribus se-
quens consideratio, quod huiusmodi legata non sunt legata speciei,
sed potius quantitatis. Id quod ex eo manifeste demonstratur, nam in-
cipiant a quantitate, & verbum quantitatis immediatè sequitur post
verbum dispositiuum, lego: sicque quantitas est legata principaliter,
non autem censualia, & sic corpora bonorum inuentariatorum. Ideo
quantitas semper fuit in obligatione, & ex consequenti sequitur quod
verba, de mis censales de a quinze, & alia supra relata non sunt posi-
ta per modum taxationis, & limitationis; sed demonstratiue, & desig-
natiue, & sic per modum demonstrationis. Corroboratur prædicta
ex eo quod testator Doctor Petrus Ludouicus Martinez, qui in vtro-
que iure cæsareo, & pontificio erat peritissimus, vsus fuit discretiuo

modo loquendi quoad legata relicta fratribus Religionis sancti Augustini, & monialibus Discalciatiis ordinis Carmeli: tunc enim ipsa met-
censalia vere legata reliquit, specificando & declarando proprietates
& pensiones censualium legatorum. Hoc autem minime fecit in alijs
legatis, vt sic aperte ostenderet, non corpora censualium, sed quantita-
tes fuisse legatas. Denique, esto quod supradicta essent dubia, adhuc in
dubio asserendum est iuxta scribentium traditionem verba illa, de cen-
sualibus mios cargados a quinze, fore apposita demonstratiue, non vero
taxatiue, & limitatiue. Recipitur deinde propositio Doctoris Hiero-
nymi Ribera: Quia constat de sua inclusione: sed admittitur poste-
riori loco post receptionem propositionum in vim legatorum, de qui-
bus in superioribus actum fuit; & enim verba illa testamenti predicti;
y sin embargo de lo que he dicho, quiero pueda mi Señora disponer
libremente en dos mil escudos, sunt dumtaxat referenda ad clausulam
proximam vniuersalis hereditatis; non vero ad clausulas legatorum
antecedentes: Et cum non constet de interpellatione, non recipitur cum
expensis. Tandem vltimo loco collocatur & admittitur propositio
Rectoris & fratrum Collegij Societatis Iesu Ciuitatis Osee, eo quod
apparet de iuris legitimis inclusionibus, suaque possessione bonorum
inuentariatorum. Alię veto propositiones repelluntur; nam qui eas
obtrulerunt, vel non probarunt, vel non publicarunt, & alijs
attentis contentis. Et alteri duo de supradictis Dominis fuerunt
voti & opinionis, quod attentis contentis, &c. tenetur & debet
pronunciare & recipere propositiones pro parte Rectoris patrum
& Religiosorum Collegij Societatis Iesu presentis Ciuitatis Cesarau-
gentę principalium Valerij Cortes del Rey Procuratoris, Prioris fra-
truum & Conuentus ordinis sancti Dominici Villę de Benaurre, &
Priorissę monialium & Conuentus sanctę Agnetis presentis Ciuitatis
principalium Ferdinandi Sanchez Procuratoris oblatas, & hoc respec-
tu censualium inuentariatorum, quę imposita fuerunt tempore eorū
formationis ad rationem quindecim mille solidorum Iaccensium tan-
tum pro pensione mille solidorum, proprietatis; & mandare eisdem re-
stitui predicta censalia cum pensionibus eorundem decursis, vt illa
possideant ad recuperationem legatorū in dictis propositionibus res-
pectiue mentionatorum, cum expensis factis respectu propositionis
oblatae pro parte dictarum Priorissę monialium, & Conuentus sanctę
Agnetis tantum; & in alijs censualibus inuentariatis recipere propo-
sitionem

tionem pro parte Doctoris Hieronymi de Riberi principalis Christophori Toledo Proc. oblata & mandare vendi dicta censualia debita, iuxta forum, & expretio illorum eidem solui quantitatem quadraginta mille solidorum laccensium, & ea soluta, si aliquid supererit, recipe re propositionem pro parte Rectoris patrum & Religiosorum Collegij Societatis Iesu Ciuitatis Osee principalium dicti Christophori Toledo Procuratoris oblatam, & eidem restitui dictam quantitatem, que supererit tanquam Dominis dictorum bonorum, prestita prius respectiue cautione forali debite, & iuxta forum: Alias propositiones reiiciendo neutram partem in expensis, demptis predictis taxandis, condemnando, cetera supplicata locum non habere. Ex eo & alias recipiuntur propositiones Priorissæ monialium & Conuentus Sanctæ Agnetis præsentis Ciuitatis Cæsaraugustæ, Prioris fratrum, & Conuentus sancti Dominici Villæ de Benauarre, & Rectoris Societatis Iesu eiusdem Ciuitatis Cæsaraugustæ modo quo in sententis: quia ex processu constat Doctorem Petrum Ludouicum Martinez Cenedo in suo Testamento, cum quo decessit, inter alia multa legata finita matris vite, & Sororum, de quarum morte apparet, tria reliquisse, videlicet Monasterio Sanctæ Agnetis præsentis Ciuitatis Cæsaraugustæ, sex mille solidos pensionum, & annui redditus cum proprietate illis correspondenti tuorum Censualium ad rationem quindecim mille solidorum; Monasterio fratrum Sancti Dominici Villæ de Benauarre, alios quatuor mille solidos annui redditus, vel pensionis cum sorte principali idorum ad rationem quindecim mille: & Collegio Societatis Iesu præsentis Ciuitatis Cæsaraugustæ sexdecim mille solidos annui redditus cum proprietate illis correspondenti suorum Censualium ad rationem quindecim mille solidorum; quibus quidem Legatis quilibet suâ obtulerunt propositionem; pro quibus non ambigimus in hac processu tella posse obtinere attenta noua forali dispositione; diuersimode tamen non facta requisitione (vt factum est) pro parte conuentus sanctæ Agnetis obtinebunt, pro vt obtinent, cum expensis nulla trifecta sine eis ex clara dicti fori litera quæ sine restrictione aliter intelligi nõ valet. Tota verò huius rei difficultas versatur, an huiusmodi legata conditionalia, & limitata sint ad censualia ad rationem quindecim mille solidorum formata; an verò gratia demonstrationis illa sint apposita, quæ in dubio prælanantur, cum sic intelligendo magis conferuetur dispositio & magis sortitur effectus; & ideo potius est capienda inter-

pretatio, vt verba stent demonstratiuè, non conditionaliter & taxatiue, sed ex casu limitate & conditionaliter relicta existisse. litera valde est consonum: cum certissimi iuris sit & cognosci hanc diuersitatem, & differentiam ex dispositione vnica oratione, vel multiplici concepta; si vnica conditionaliter & limitata iudicatur, si multiplici demonstratiue. At in presentiarum vnica oratione testator Legauit pensiones, & proprietates illis correspondentes suorum censualium ad rationem quindecim mille solidorum Iaccensium formatorum, cum ab eodẽ verbo regatur clausula cuiuslibet ex dictis legatis: Ergo limitata fuit eius dispositio ad prædicta censualia, vt sic legata non tantum sint intelligenda quantitatis, quantum speciei, videlicet illorum censualium ad rationem quindecim mille solidorum: quia talis designatio & vnica oratione perficitur, & non fit executioni, sed ipsimet dispositioni, ita quod substantia & materia eiusdem dispositionis sint censualia ad rationem quindecim mille solidorum; ex quibus in illa tantum materia obtinere possunt, in qua conditionaliter taxatiue & limitatiue facta fuit dispositio; ex qua ratione in alijs bonis inuentariatis obtinere minime valent prædicti legatarij. Recipitur etiam propositio Doctoris Hieronymi Ribera in reliquis censualibus inuentariatis: quia dicta Hieronyma Cenedo fuit hæres instituta cum grauamine, quod post eius obitum bona peruenirent in Hieronymam, & Magdalenam Martinez dicti testatoris sorores, & non obstante dicto grauamine concessit facultatem dictæ hæredi disponendi de quantitate quadraginta mille solidorum, & constat dictam Hieronymam Cenedo decessisse relicta hæredibus dictis eius filiabus, quæ similiter decesserunt, & hæredes respectiue instituerunt dictos Rectorem, patres, Religiosos, & Collegium Societatis Iesu Ciuitatis Oscæ, qui ius recipiendi dictam quantitatem vendiderunt prædicto Doctori Hieronymo Ribera; ex quo eius propositio recipienda venit, vt ex censualibus hæreditati prædictæ pertinentibus dicta quantitas eidem soluatur; cum certum sit per generalem dispositionem factam omnium suorum bonorum per dictam Hieronymam Cenedo in fauorem suarum filiarum prædictam quantitatem & facultatem de ea disponendi fuisse translata. Non autem recipitur prædicta propositio ante propositionem legatorum, nec in bonis eorundem legatorum: quia in eorum præiudicium non fuit concessa dicta facultas disponendi, quod satis aperte deducitur ex quo sitim post vocationem, & substitutionem dictarum testatoris sororum fuit

fuit subsequuta facultas disponendi de dicta quantitate, ita quod eade-
duci posset ex bonis hereditarijs nõ obstante vocatione dictarum so-
rorum, & hæc fuit voluntas dicti testatoris secundum eius dispositio-
nem. Tandem recipitur propositio Rectoris, patrum, & Religiosorũ
Societatis Iesu Ciuitatis Oscæ modo quo in sententia; quoniam con-
stat eosdem hæredes legitimos extitisse bonorum, in quibus propositio
recipitur. Reijcitur tamen propositio Prioris fratrum & Con-
uentus Carmelitarum Discalciatorum, quia non publicarunt. Alię
autem reijciuntur propositiones, quia vel non probarunt, vel non pu-
blicarunt, & aliàs attentis contentis.

SIG ✠ NV M mei Ioannis Perez de Oliuan scribæ mã
Sdatis sua Maiestatis in Ciuitate Casaraugusta Domicilia-
ti: autoritateque Regia per suas terras & dominationes
publici Notarij, qui huiusmodi vota & motiua à libro Regij
Consilij causarum Ciuiliũ presentis Regni Aragonum, vbi
continuata existunt bene & fideliter comprobata extraxi & si-
gnauit. Constat rasis rescriptis vbi legitur censales, vni, Iaccen-
sum, & de supra posito vbi legitur tantum.

